



হারামো শিশুর

এভিং চাইল্ড লেবার ইন বাংলাদেশ প্রকল্পাধীন বাংলাদেশ শিশু অধিকার ফোরামের ষাণ্মাসিক নিউজলেটার বর্ষ : ২, সংখ্যা : ২, জুলাই-ডিসেম্বর ২০১৭

সম্পাদকীয়

বাংলাদেশ শিশু অধিকার ফোরাম (বিএসএএফ)

এসডিজি'র আলোকে ঝুঁকিপূর্ণ শিশুশ্রম নিরসন : চ্যালেঞ্জ ও করণীয় শীর্ষক জাতীয় আলোচনা সভা

বাংলাদেশ পরিসংখ্যান ব্যৱো (বিবিএস) এবং আন্তর্জাতিক শ্রম সংস্থা (আইএলও) পরিচালিত শিশুশ্রম জরীপ ২০১৩ অনুযায়ী দেশে সাড়ে ৩৪ লাখ কর্মজীবী শিশু রয়েছে; যার মধ্যে প্রায় ১৭ লক্ষ শিশু শ্রমে নিয়োজিত। এই ১৭ লক্ষ শিশুর মধ্যে ১২ লক্ষ ৮০ হাজার শিশু ঝুঁকিপূর্ণ শ্রমে নিয়োজিত রয়েছে। ঝুঁকিপূর্ণ কাজে নিয়োজিত হয়ে শিশু শ্রমিক শারীরিক, মানসিক এবং অর্থনৈতিকভাবে নিষেপিত হয়, এমনকি নির্যাতন নিপীড়ণে শিশু শ্রমিকের প্রাণহানির নজিরও রয়েছে অসংখ্য। সাম্প্রতিক সময়ে এ ধরনের কিছু শিশু শ্রমিক নিপীড়ণের ঘটনায় আমরা উদ্বিগ্ন।

এই প্রেক্ষাপটে বাংলাদেশে শিশু শ্রমিক নির্যাতন প্রতিরোধ সর্বোপরি শিশুশ্রম নির্মূলে বাংলাদেশ শিশু অধিকার ফোরাম (বিএসএএফ) টেরে ডেস হোমস নেদারল্যান্ডস, মানুষের জন্য ফাউন্ডেশন এবং গ্লোবাল মার্ট এগেইনস্ট চাইল্ড লেবার এর সহায়তায় এসডিজি'র আলোকে ঝুঁকিপূর্ণ শিশুশ্রম নিরসন: চ্যালেঞ্জ ও করণীয় শীর্ষক গোলটেবিল আলোচনাসভার আয়োজন করে গত ১৭ জুলাই ২০১৭।

ডেইলি স্টার ভবনের আজিমুর রহমান কনফারেন্স হলে অনুষ্ঠিত উক্ত আলোচনা সভায় প্রধান অতিথি হিসেবে উপস্থিত ছিলেন শ্রম ও কর্মসংস্থান মন্ত্রণালয়ের মাননীয় প্রতিমন্ত্রী জনাব মো. মুজিবুল হক, এমপি। উক্ত আলোচনা সভায় বিশেষ অতিথি হিসেবে উপস্থিত ছিলেন শিশু অধিকার বিষয়ক পার্লামেন্টারী ককাস এর সন্যানিত সদস্য জেবনেসা আফরোজ, এমপি; কাজী রোজী, এমপি; কামরুন নাহার চৌধুরী, এমপি; মো. নুরুল ইসলাম তালুকদার, এমপি; হোসনে আরা লুৎফা

ডালিয়া, এমপি; এবং সামসুজামান দুরু, এমপি। এছাড়াও উপস্থিত ছিলেন শ্রম ও কর্মসংস্থান মন্ত্রণালয় সংক্রান্ত সংসদীয় স্থায়ী কমিটির সদস্য ইস্রাফিল আলম, এমপি।

উক্ত সভায় মূল প্রবন্ধ উপস্থাপন করেন ডক্টর মোহাম্মদ নাজমুজামান ভুঁইয়া, অধ্যাপক, আইন বিভাগ, ঢাকা বিশ্ববিদ্যালয় এবং উক্ত আলোচনা সভায় সভাপতিত্ব করেন বাংলাদেশ শিশু অধিকার ফোরামের চেয়ারপারসন জনাব মো. এমরানুল হক চৌধুরী।



উক্ত আলোচনা সভায় শিশু শ্রমিক নির্যাতন প্রতিরোধ সর্বোপরি শিশুশ্রম নিরসনের যে লক্ষ্যমাত্রা রয়েছে ২০২৫ সালের মধ্যে তা অর্জনে করণীয় নির্ধারণ এবং সরকারের অবস্থান ও নীতি পরিকল্পনা সম্পর্কে সংশ্লিষ্ট ব্যক্তিবর্গ আলোচনা করেন।

শিশু অধিকার সঞ্চাহ ২০১৭

“শিশু পেলে অধিকার, খুলবে নতুন বিশ্বার” এই প্রতিপাদ্যকে সামনে রেখে ১১ অক্টোবর থেকে ১৭ অক্টোবর সারা দেশে শিশু অধিকার সঞ্চাহ-২০১৭ পালন করা হয়। প্রতি বছরের মতো এবছরও বাংলাদেশ শিশু অধিকার ফোরাম (বিএসএএফ), শিশু অধিকার সঞ্চাহ উপলক্ষে বাংলাদেশ শিশু একাডেমীর সাথে যৌথভাবে ব্যাপক কার্যক্রম বাস্তবায়ন করেছে। বিএসএএফ এক্ষেত্রে দাতা সংস্থা টেরে ডেস হোমস নেদারল্যান্ডস, মানুষের জন্য ফাউন্ডেশন, এডুকো, এস ও এস





আন্তর্জাতিক শিশু পল্লী বাংলাদেশ, শাপলা নীড় এবং গুড নেইভারস বাংলাদেশ এর সহযোগিতা লাভ করেছে। ১৪ অক্টোবর ২০১৭, শনিবার অন্যোজিত অনুষ্ঠানসমূহের মধ্যে ছিল: আলোচনা অনুষ্ঠান, পাঁচ শতাধিক সুবিধাবন্ধিত শিশু সমাবেশ, চিরাংকন প্রতিযোগিতা ও সুরক্ষার বিতরণী এবং সুবিধাবন্ধিত শ্রমজীবী শিশুদের দ্বারা পরিবেশিত মনোজ্ঞ সাংস্কৃতিক অনুষ্ঠান। উদ্বোধনী অনুষ্ঠানে প্রধান অতিথি হিসেবে উপস্থিত ছিলেন জাতীয় মানবাধিকার কমিশনের মাননীয় চেয়ারম্যান কাজী রিয়াজুল হক। এই অনুষ্ঠানের বিশেষ অতিথি হিসেবে ছিলেন কবি কাজী রোজী, এমপি। এছাড়াও শিশু অধিকার বিষয়ে কর্মরত বেশ কিছু দেশ-বিদেশী সংস্থার শীর্ষ কর্মকর্তাগণ উপস্থিত ছিলেন। উক্ত অনুষ্ঠানে সভাপতিত্ব করেন বাংলাদেশ শিশু একাডেমীর পরিচালক আনজীর লিটন।

গৃহকর্মী সুরক্ষা ও কল্যাণ নীতি ২০১৫ এর বাস্তবায়ন: সুশীল সমাজ ও সরকারের ভূমিকা শীর্ষক সভা

গৃহকর্মী শিশুশ্রম বাংলাদেশের একটি অন্যতম প্রধান সামাজিক সমস্যা। ২০০৬ সালের শিশুশ্রম জরিপ অনুযায়ী বাংলাদেশে গৃহকর্মী নিয়োজিত শিশু শ্রমিকের সংখ্যা ছিল ৪৮ক্ষ ২০হাজার। জাতীয় শিশুশ্রম জরিপ ২০১৩ অনুযায়ী বাংলাদেশে ১৭ লাখ শিশু শ্রমে নিয়োজিত রয়েছে বলে উল্লেখ করা হলেও তাদের মধ্যে গৃহকর্মী নিয়োজিত শিশু শ্রমিকের সংখ্যা আলাদা করে উল্লেখ করা হয়নি।



বাংলাদেশ সরকার গৃহকর্মীদের সুরক্ষার জন্য গৃহকর্মী সুরক্ষা ও কল্যাণ নীতি ২০১৫ অনুমোদন করেছে। এই নীতিমালা প্রণয়নে বিএসএএফ সরকারের অনেক কার্যক্রমে অবদান রেখেছে এবং বর্তমানে এর বাস্তবায়নের জন্য সরকারের সাথে কাজ করে যাচ্ছে।

এরই অংশ হিসেবে, টেরে ডেস হোমস নেদারল্যান্ডস, ব্রেড ফর দি ওয়াল্ট এবং অ্যাকশন ফর সোশ্যাল ডেভেলপমেন্ট (এএসডি) এর সহযোগিতায় বাংলাদেশ শিশু অধিকার ফোরাম “গৃহকর্মী সুরক্ষা ও কল্যাণ নীতি ২০১৫ এর বাস্তবায়ন: সুশীল সমাজ ও সরকারের ভূমিকা” শীর্ষক গোলটেবিল বৈঠক আয়োজন করে। ২৭ সেপ্টেম্বর ২০১৭ মোহাম্মদপুরের ইকবাল রোডস্থ ওয়াইড্রেন্টসিএ এর কনফারেন্স হলে এটি অনুষ্ঠিত হয়।

উক্ত গোলটেবিল বৈঠকে শিশু অধিকার বিষয়ক সংসদীয় কক্ষারে সম্মানিত সদস্য উম্মে রাজিয়া কাজল, এমপি; কাজী রোজী, এমপি; কামরুন নাহার চৌধুরি, এমপি এবং মো. নুরুল ইসলাম তালুকদার, এমপি বিশেষ অতিথি হিসেবে উপস্থিত ছিলেন। এছাড়াও শ্রম ও কর্মসংস্থান মন্ত্রণালয়ের উপ সচিব সাবরিনা শারমিন জামান, দাতা সংস্থা টেরে ডেস হোমস নেদারল্যান্ডস এর কান্ট্রি ডি঱ের্টর মাহমুদুল কবির এবং অ্যাকশন ফর সোশ্যাল ডেভেলপমেন্ট এর নির্বাহী পরিচালক জামিল ইচচ. চৌধুরি, অতিথি হিসেবে উপস্থিত থেকে তাদের মূল্যবান বক্তব্য প্রদান করেন।

উক্ত আলোচনা সভায় গৃহকর্মীদের সুরক্ষা ও কল্যাণে এবং শিশুশ্রম নিরসনে কর্মরত এনজিও এবং সুশীল সমাজের প্রতিনিধিরা সম্মিলিতভাবে সরকারি উদ্যোগের সাথে সমন্বয় করে একটি কর্ম-পরিকল্পনা তৈরি করার ব্যাপারে গুরুত্ব আরোপ করে সভার মূল প্রবন্ধ পাঠ করেন এম. এ. রশিদ এবং সভাপতিত্ব করেন বাংলাদেশ শিশু অধিকার ফোরামের চেয়ারপারসন মো. এমরানুল হক চৌধুরী।

অপশনাল প্রটোকল ৩ অনুসাক্ষর বিষয়ক জাতীয় সেমিনার

বাংলাদেশে শিশু অধিকার রক্ষায় চলমান শিশু পরিস্থিতি উন্নয়নের লক্ষ্যে প্রয়োজন শক্তিশালী প্রতিরোধ-প্রতিকার কাঠামো এবং কার্যকর অভিযোগ



দায়ের ব্যবস্থা। এক্ষেত্রে যোগাযোগ প্রক্রিয়া-সংক্রান্ত জাতিসংঘের শিশু অধিকার সনদের অপশনাল প্রটোকল ৩ এর অনুসাক্ষর শিশুদের জন্য আরো বৃহত্তর সুযোগ তৈরি করবে। যার মাধ্যমে রাষ্ট্রীয় পর্যায়ে শিশুরা তাদের অধিকার লঙ্ঘনের ঘটনায় প্রয়োজনীয় সুরাহা না পেলে জাতিসংঘের শিশু অধিকার কমিটিতে অভিযোগ দায়ের করার সুযোগ পাবে।

জাতিসংঘ শিশু অধিকার সনদের অপশনাল প্রটোকল ৩ বাংলাদেশ সরকার কর্তৃক অনুসাক্ষরের জন্য ২০১৩ সাল থেকে বাংলাদেশ শিশু অধিকার ফোরাম (বিএসএএফ), চাইল্ড রাইটস অ্যাডভোকেসি কোয়ালিশন ইন বাংলাদেশ এবং জাতীয় মানবাধিকার কমিশন অ্যাডভোকেসি করে আসছে।

এ প্রেক্ষিতে বাংলাদেশ শিশু অধিকার ফোরাম, চাইন্স রাইটস অ্যাডভোকেসি কোয়ালিশন ইন বাংলাদেশ এবং জাতীয় মানবাধিকার কমিশন বাংলাদেশ অপশনাল প্রটোকল ৩ অনুস্থানের জন্য বিভিন্ন সুপারিশ ও মতামত সরকারের সংশ্লিষ্ট কর্তৃপক্ষের কাছে তুলে ধরতে ৯ নভেম্বর ২০১৭ সিরাডাপ মিলনায়তনে একটি সংলাপের আয়োজন করে। উক্ত সংলাপে জাতীয় মানবাধিকার কমিশনের পূর্ণকালীন সদস্য জনাব মো. নজরুল ইসলাম ও সংশ্লিষ্ট মন্ত্রণালয়সহ নাগরিক সমাজ, শিশু অধিকার ভিত্তিক সংগঠনের প্রতিনিধি, জাতীয় মানবাধিকার কমিশনের শিশু অধিকার বিষয়ক কমিটি, শিশু এবং সুশীল সমাজের প্রতিনিধিগণ উপস্থিত ছিলেন।

শিশু অধিকার সাংবাদিক ফোরামের সভা

“এভিং চাইন্স লেবার ইন বাংলাদেশ” প্রকল্পের আওতায় বাংলাদেশ শিশু অধিকার ফোরাম (বিএসএএফ) পরিচালিত টেলিভিশন এবং প্রিন্ট মিডিয়ার সমন্বয়ে জাতীয় পর্যায়ের ১২জন সাংবাদিক নিয়ে গঠিত শিশু অধিকার সাংবাদিক ফোরাম এর ২০১৭ সালের দ্বিতীয় সভা ১৪ ডিসেম্বর ২০১৭ অনুষ্ঠিত হয়। উক্ত সভায় শিশু অধিকার সাংবাদিক ফোরামের ৭জন সদস্য অংশগ্রহণ করেন। সভাটি পরিচালনা করেন বাংলাদেশ শিশু অধিকার ফোরামের প্রোগ্রাম অফিসার আজমী আক্তার। তিনি শিশু অধিকার পরিস্থিতির ডাটা (জানুয়ারী- নভেম্বর ২০১৭) উপস্থাপন করেন এবং উপস্থিতি সাংবাদিকদের অবগত করেন যে, ২০১৭ সালের সারা বছরের সামগ্রিক শিশু অধিকার পরিস্থিতির উপরে বিএসএএফ প্রেস কনফারেন্সের আয়োজন করবে জানুয়ারি মাসের প্রথম সপ্তাহে।

উপজেলা শিশু কল্যাণ বোর্ড গঠন ও এর সভা

বাংলাদেশ শিশু অধিকার ফোরাম (বিএসএএফ) টেরে ডেস হোমস মেদারল্যান্ডস এর সহযোগিতায় পরিচালিত ইসিএলবি প্রকল্পের আওতায় ১৪টি জেলার ১৫টি উপজেলায় জাতীয় শিশু কল্যাণ বোর্ড গঠনের জন্য কাজ করে যাচ্ছে। এই বছর জুলাই থেকে ডিসেম্বরের মধ্যে বিএসএএফ তার সদস্য সংস্থা মানব উন্নয়ন কেন্দ্র, লফস, নারী ও শিশু কল্যাণ সংস্থা, ভার্ক এবং ভয়েস অফ সাউথ বাংলাদেশ এর সহযোগিতায় যথাক্রমে মেহেরপুর সদর উপজেলা, রাজশাহীর পৰা উপজেলা, নাটোর সদর উপজেলা, নারায়ণগঞ্জের সোনারগাঁও উপজেলা, বাগেরহাটের সদর ও সরনখোলা উপজেলা এবং পটুয়াখালীর সদর উপজেলায় শিশু কল্যাণ বোর্ড এর ত্রৈমাসিক সভা আয়োজন করে এবং রাজশাহী জেলা শিশু কল্যাণ বোর্ড গঠন করে। প্রতিটি সভা উপজেলা নির্বাহী কর্মকর্তার (ইউএনও) সভাপতিত্বে অনুষ্ঠিত হয়। উক্ত সভার মাধ্যমে তারা নিজস্ব এলাকার শিশু পরিস্থিতি এবং সদস্যদের দায়িত্ব কর্তব্য নিয়ে বিগত ৩ মাসে কে কি কাজ করেছে তা পর্যালোচনাসহ এবং আগামী ৩ মাসের একটি কর্মপরিকল্পনা প্রণয়ন করে। রাজশাহীর পৰা উপজেলায় উক্ত বোর্ডের সহযোগিতায় বিএসএএফ এর সদস্য সংস্থা লফস বিভিন্ন জাহাগীয় শিশু নির্যাতনের বিবরণে শ্লেষণাসহ বিভিন্ন ধরনের ফেস্টুন এবং শিশুরা নির্যাতনের শিকার হলে ১০৯৮ হেল্পলাইনে ফোন করে অবহিত করার জন্য লিফলেট বিতরণ করে।

বাংলাদেশে শিশু অধিকার পরিস্থিতি-২০১৭

২০১৭ সালের বাংলাদেশে সার্বিক শিশু অধিকার পরিস্থিতি ছিল উদ্বেগজনক। ২০১৭ (জানুয়ারী-ডিসেম্বর) এই ১২ মাসের জাতীয় দৈনিক পত্রিকার সংবাদ পর্যালোচনা করে দেখা গিয়েছে মোট ৩,৮৪৫টি শিশু বিভিন্ন ধরনের সহিংসতা ও নির্যাতনের শিকার হয়েছে যাদের মধ্যে

১,৭১০টি শিশু বিভিন্ন ধরনের অপমৃতুর শিকার হয়েছে এবং ৮৯৪টি শিশু যৌন নির্যাতনের শিকার হয়েছে।

২০১৬ সালে ৩,৫৮৯টি শিশু বিভিন্ন ধরনের সহিংসতা ও নির্যাতনের শিকার হয়েছিল যাদের মধ্যে ১,৪৪১ শিশু অপমৃতুর এবং ৬৮৬ শিশু যৌন নির্যাতনের শিকার হয়েছিল। অর্থাৎ ২০১৭ সালে সামগ্রিকভাবে শিশু নির্যাতন-নিপীড়নের ঘটনা বেড়েছে ৭.১৩%, যার মধ্যে শিশু অপমৃতু এবং যৌন নির্যাতন বেড়েছে যথাক্রমে ১৮.৬৭% এবং ৩০.৩২%।

২০১৭ সালের তুলনায় ২০১৭ সালে শিশু হত্যা এবং ধর্ষণ আশঙ্কাজনকভাবে বেড়েছে। ২০১৭ সালে ৩৩৯টি শিশু হত্যা এবং ৫৯৩টি শিশু ধর্ষিত হয়েছে যা ২০১৬ সালের চেয়ে যথাক্রমে ২৮% এবং ৩৩% বেশি। সেই সাথে বেড়েছে গণধর্ষণ, প্রতিবন্ধী শিশু ধর্ষণ, বখাটেদের মারধর-কুপিয়ে জখম করা এবং গোপনে অশীল ভিত্তিও ধারণ করে তা সামাজিক যোগাযোগ মাধ্যমে ছড়িয়ে দেয়ার প্রবণতা।

তবে ২০১৭ সালে ২০১৬ সালের তুলনায় কিছুটা কমেছে বাবা-মায়ের হাতে শিশু হত্যা (-২২%), শিক্ষা প্রতিষ্ঠানে শিশুদের শারীরিক নির্যাতন (-৫৫%) এবং কথিত চুরির অপরাধে দরিদ্র শিশুদের পিটিয়ে নির্যাতন (-৩৮%)।

শিশু নির্যাতন ২০১৬ সালের তুলনায় বেড়ে যাওয়ার বা প্রত্যাশিতভাবে না কমার কারণ মূলত বিচারহীনতা এবং বিচার প্রক্রিয়ার দীর্ঘসূত্রিতা, অপরাধী অপেক্ষাকৃত প্রভাবশালী এবং স্থানীয় সালিশে এক ধরণের আপস-মিমাংসার প্রবণতা।

১০টি জাতীয় দৈনিক পত্রিকায় প্রকাশিত সংবাদ এর ভিত্তিতে বিএসএএফ এর গবেষণা :

বিএসএএফ মনে করে শিশু অধিকার পরিস্থিতির উন্নয়ন ঘটাতে হলে সরকারকে হত্যা, ধর্ষণ সহ সকল ধরণের শিশু নির্যাতনের দ্রুত বিচার নিশ্চিত করতে হবে, শিশু আইন ২০১৩ এর প্রয়োগ ও বাস্তবায়ন নিশ্চিত করতে হবে, উক্ত আইনের বিধীমালা চুড়ান্ত করতে হবে, শিশু বাজেট বাস্তবায়নের জন্য কার্যকরী পরিকল্পনা প্রণয়ন করতে হবে, এবং বাজেটে শিশুদের জন্য যে বরাদ্দ তা সঠিকভাবে ব্যয় হচ্ছে কিনা সেটা তদারকির ব্যবস্থা করতে হবে। শিশু বিবাহ প্রতিরোধে স্থানীয় সরকার ও মাঠ

#	শিশু নির্যাতনের ধরণ	২০১৭	২০১৬	আস/বৃক্ষি
১	অপমৃত্যু	১৭১০	১৪৪১	১৮.৬৭%
২	যৌন নির্যাতন	৮৯৪	৬৮৬	৩০.৩২%
৩	অপহরণ, নির্বোঝ ও উদ্ধার	৮৩৩	৮৪৫	-২.৭০%
৪	নির্যাতন ও সহিংসতা	২৭১	৩৯৮	-৩১.৯১%
৫	অপঘাত	২৩১	২৩৫	-১.৭০%
৬	বাল্য বিবাহ এবং অন্যান্য	৩০৬	৪১৪	-২০.৩১%
	মোট	৩৮৪৫	৩৫৮৯	৭.১৩%

প্রসাশনকে আরও তৎপর হতে হবে। নির্বাচনকে সামনে রেখে কোনরূপ রাজনৈতিক কর্মকাণ্ডে যাতে শিশু-কিশোরদের ব্যাবহার না করা হয় সেটা নিশ্চিত করতে হবে। আমরা চাই রাজনৈতিক দলগুলো তাদের নির্বাচনী ইশতেহারে উল্লেখ করুক যে তারা শিশু-কিশোরদের কোনরূপ রাজনৈতিক কর্মকাণ্ডে ব্যবহার করবেন। সেই সাথে, যে সকল শিশু-কিশোর নির্বোঝ হয়েছে তাদের কেইসগুলো সর্বোচ্চ গুরুত্বের সাথে বিবেচনা করতে হবে এবং তাদের উদ্ধার নিশ্চিত করতে প্রয়োজনীয় ব্যবস্থা গ্রহণ করতে হবে।



ইউনাইটেড ডেভেলপমেন্ট ইনিশিয়েটিভস ফর প্রোগ্রামড এ্যাকশনস (উদ্বীপন)

কমিউনিটি লিডারদের সাথে মতবিনিয় সভা

১২-১৩ ডিসেম্বর ২০১৭ গ্রুপ লিডার এবং অভিভাবকদের সাথে দুইটি মতবিনিয় সভা অনুষ্ঠিত হয়। উক্ত মতবিনিয় সভায় ইসিএলবি কনসোর্টিয়াম কো-অর্ডিনেটর উম্মে কাউচার সুমনা, উদ্বীপন চট্টগ্রাম অঞ্চলের সহকারী আঞ্চলিক ব্যবস্থাপক, টিভেট সেন্টারের অধ্যক্ষ এবং ইপ্টার্ট্রান্টরগণ উপস্থিত ছিলেন। সভায় টিভেট সেন্টারের চলমান শিক্ষার্থীদের ও তাদের অভিভাবকদের নিয়ে ছাত্র, শিক্ষক ও অভিভাবক মতবিনিয় করা হয়। সভার সভাপতি ইসিএলবি কনসোর্টিয়াম কো-অর্ডিনেটর ছাত্র-ছাত্রীদের উপস্থিতি, আচার আচারণ, স্বাস্থ্যসেবা নিশ্চিতকরণ, চাকুরীর ব্যাপারে অভিভাবকদের সচেতনতা বৃদ্ধি ও ছাত্র-ছাত্রীদের চাকুরীর ব্যাপারে উৎসাহিত করার বিভিন্ন দিক নিয়ে আলোচনা



গ্রুপ লিডারদের সাথে মতবিনিয় সভা



অংশীজনদের সাথে মতবিনিয় সভা

করেন। এব্যাপারে আমন্ত্রিত অতিথিবৃন্দ ও অভিভাবকগণ তাদের নিজ নিজ সন্তানদের চাকুরীর ব্যাপারে তাদের ইন্ডাস্ট্রি নিয়মিত যাওয়া-আসা ইত্যাদি ব্যাপারে খোঁজখবর রাখবেন এবং নিজ নিজ এলাকায় নতুন নতুন শিক্ষার্থী ভর্তির ব্যাপারে উৎসাহিত করবেন বলে মতামত ব্যক্ত করেন ও দেশের বৃহত্তর স্বার্থে বেকারত্ব দূরীকরণের লক্ষ্যে এ ব্যাপারে একমত পোষণ করেন।

গ্রুপ লিডারদের সাথে মতবিনিয় সভা অংশীজনদের সাথে মতবিনিয় সভা

স্টেকহোল্ডার সভা ৪ ১৭ ডিসেম্বর উদ্বীপন টিভেট সেন্টার স্টেকহোল্ডার এনগেজমেন্ট এ্যান্ড ফলোআপ সভার আয়োজন করে। টিভেট সেন্টারের চাঁদগাঁওস্ত কার্যালয়ে অনুষ্ঠিত উক্ত সভায় সভাপতিত্ব করেন উদ্বীপন টিভেট প্রধান ড. এসএম শহীদুল্লাহ। সভায় সাবেক কমিশনার, সদস্য সচিব, মহল্লা কমিটির সভাপতি, সম্পাদক, শিক্ষা প্রতিষ্ঠানের প্রতিনিধি, অভিভাবক, টিভেট সেন্টারের অধ্যক্ষ এবং ইপ্টার্ট্রান্টরগণ উপস্থিত ছিলেন।

সভায় টিভেট সেন্টারের চলমান শিক্ষার্থীদের প্রশিক্ষণের মান, নতুন শিক্ষার্থী ভর্তি, ইন্টার্নশিপ এবং জব সংক্রান্ত বিষয় নিয়ে আলোচনা হয়। সভায় ছাত্র-ছাত্রীদের উপস্থিতি, আচার আচারণ, স্বাস্থ্যসেবা নিশ্চিতকরণ, চাকুরীর বিষয়ে অভিভাবকদের সচেতনতা বৃদ্ধি ও ছাত্র-ছাত্রীদের চাকুরীর ব্যাপারে উৎসাহিত করার বিভিন্ন দিক নিয়ে আলোচনা করেন। এ ব্যাপারে আমন্ত্রিত অতিথিবৃন্দ তাদের সন্তানদের চাকুরীতে ও ইন্ডাস্ট্রি নিয়মিত যাওয়া-আসার ব্যাপারে খোঁজখবর রাখবেন বলে আশাস দেন এবং তাদের এলাকায় নতুন নতুন শিক্ষার্থী ভর্তির ব্যাপারে উৎসাহিত করবেন বলে মতামত ব্যক্ত করেন।

এমপ্লায়ারস মিটিং ৪ ১৮ ডিসেম্বর এমপ্লায়ারস মিটিং এবং বিভিন্ন টিভেট ইমপ্লিমেন্টিং অর্গানাইজেশন লিডারদের সাথে তথ্য আদান-প্রদান, সম্পর্ক উন্নয়ন এবং বিভিন্ন কারখানায় শিক্ষার্থীদের চাকুরীর বাজার সৃষ্টি করার লক্ষ্যে ও কর্ম এলাকায় শিক্ষার্থী ভর্তির প্রচারণার জন্য একটি মতবিনিয়



সভার আয়োজন করা হয়। উক্ত সভায় সভাপতিত্ব করেন উদ্বীপন এর সহকারী পরিচালক ড.এস এম শহীদুল্লাহ। সভায় প্রধান অতিথি ছিলেন বাংলাদেশ ইপ্টার্ট্রিউট অব ম্যানেজমেন্ট এর ডিপুটি ডিরেক্টর মো. তরিকুল ইসলাম। এছাড়া বিভিন্ন ইন্ডাস্ট্রি থেকে (ইউনেক্সোর-টিভিটি, এবিবি ইলেক্ট্রনিক্স, ম্যাফ সুজ লিঃ, মেরিডিয়ান ফুডস্, ওমেগা ইলেক্ট্রনিক্স,

কনসোর্ট ফান্সিপ্যাক লিঃ, অরবিট ফ্যাশন, উপাস্তি এপারেল্স, সিমস ফ্যাসন) এমপ্লায়ারগণ উপস্থিত ছিলেন।

ইন্টার্ণশিপ ৪ ১ অক্টোবর হতে ইন্ডাস্ট্রিয়াল স্যুইং গার্মেন্টস ও ইন্ডাস্ট্রিয়াল স্যুইং লেদার ট্রেডের ৬ষ্ঠ ব্যাচের ৩৭ জন শিক্ষার্থীকে নিম্নোক্ত ৮টি ইন্ডাস্ট্রি তে ৩ মাসের ইন্টার্ণশিপের ব্যবস্থা করা হয়।

ক্রমিক নং	ইন্ডাস্ট্রির নাম	ট্রেডের নাম	শিক্ষার্থীর সংখ্যা
০১	উপাস্তি এপারেল্স	ইন্ডাস্ট্রিয়াল স্যুইং লেদার	০৪ জন
০২	ম্যাফ সুজ লিঃ	ইন্ডাস্ট্রিয়াল স্যুইং লেদার	০৮ জন
০৩	অরবিট ফ্যাশন	ইন্ডাস্ট্রিয়াল স্যুইং লেদার	০৩ জন
০৪	সিমস ফ্যাসন	ইন্ডাস্ট্রিয়াল স্যুইং গার্মেন্টস	০২ জন
০৫	ম্যাফ সুজ লিঃ	ইন্ডাস্ট্রিয়াল স্যুইং গার্মেন্টস	০৬ জন
০৬	উপাস্তি এপারেল্স	ইন্ডাস্ট্রিয়াল স্যুইং গার্মেন্টস	০৪ জন
০৭	অরবিট ফ্যাশন	ইন্ডাস্ট্রিয়াল স্যুইং গার্মেন্টস	০৩ জন
০৮	সেঙ্গ এমপ্লায়মেন্ট	ইন্ডাস্ট্রিয়াল স্যুইং গার্মেন্টস	০৭ জন
মোট			৩৭ জন

জব প্লেসমেন্ট ৪ ১ অক্টোবর হতে ইলেকট্রিক্যাল, ইলেকট্রনিক্স, ওয়েভিং এ্যাভ ফেব্রিকেশন ট্রেড তিনটির ৫ম ব্যাচের চাকুরীর জন্য ৪০ জন শিক্ষার্থীকে নিম্নোক্ত ৩টি ইন্ডাস্ট্রি তে চাকুরী প্রদান করা হয়। নিম্নে ইন্ডাস্ট্রি এবং ট্রেড অনুযায়ী চাকুরীর তালিকা প্রদান করা হলো।

ক্রমিক নং	ইন্ডাস্ট্রির নাম	ট্রেডের নাম	শিক্ষার্থীর সংখ্যা
০১	ওয়েস্টার্ণ মেরিন শিপ ইয়ার্ড	ওয়েভিং এভ ফেব্রিকেশন	১০ জন
০২	বিএসএস স্টিল লিঃ	ওয়েভিং এভ ফেব্রিকেশন	৫ জন
০৩	ইউনেক্ষো টি এভ এ (বিডি) লিঃ	ওয়েভিং এভ ফেব্রিকেশন	০৩ জন
০৪	লুনা লাইট	ইলেক্ট্রনিক্স	০৩ জন
০৫	জননী আইপিএস	ইলেক্ট্রনিক্স	০৩ জন
০৬	ওমেগা ইলেক্ট্রনিক্স	ইলেক্ট্রনিক্স	০৫ জন
০৭	এক্সট্রিম ইলেক্ট্রনিক্স	ইলেক্ট্রনিক্স	০৫ জন
০৮	বেস্ট আইসিটি	ইলেক্ট্রনিক্স	০২জন
০৯	কনসোর্ট ফান্সিপ্যাক	ইলেক্ট্রিক্যাল	০১ জন
১০	ইউনেক্ষো টি এভ এ (বিডি) লিঃ	ইলেক্ট্রিক্যাল	১০ জন
১১	ম্যাফ সুজ লিঃ	ইলেক্ট্রিক্যাল	০২ জন
১২	ডিএসএস স্টিল মিলস লিঃ	ইলেক্ট্রিক্যাল	০১ জন
১৩	হাহাউজ ওয়ারিং (সেলফ এমপ্লায়মেন্ট)	ইলেক্ট্রিক্যাল	০৬ জন
মোট			৪০ জন

সফ্ট লোন প্রদান ৪ ইসিএলপি টিভিইটি'র অন্যতম লক্ষ্য হলো দক্ষতা উন্নয়নের মাধ্যমে কর্মসংস্থান ও ক্ষুদ্র উদ্যোজ্ঞা তৈরী করা। এর অংশ হিসেবে সফলভাবে উত্তীর্ণ ছাত্রছাত্রীদের মাঝে উদ্বৃত্ত সহজ শর্তে ক্ষুদ্র



উদ্যোজ্ঞা খণ্ড প্রদান করে থাকে। জুলাই-সেপ্টেম্বর ২০১৭ রিপোর্টিং পরিয়তে উদ্বৃত্ত মাইক্রোফাইন্যাস এর মাধ্যমে ৫জন ছাত্র-ছাত্রীকে লোন দেওয়া হয়েছে। বর্তমানে ওয়েভিং ট্রেডের একজন শিক্ষার্থী লোনের প্রক্রিয়াধীন আছে।

বিজয় দিবস উদ্ঘাপন ৪ ১৬ ডিসেম্বর ২০১৭ মহান বিজয় দিবস উপলক্ষে 'উদ্বৃত্ত টেকনিক্যাল এন্ড ভোকেশন্যাল এডুকেশন এন্ড ট্রেনিং (টিভিইটি) সেন্টার' এর শিক্ষার্থী এবং শিক্ষকবৃন্দ মহান বিজয় দিবস এক বর্ণাচ্য র্যালী, আলোচনা ও মনোজ্ঞ সাংস্কৃতিক অনুষ্ঠান উদ্ঘাপন করে। র্যালীটি উদ্বৃত্ত টিভিইটি সেন্টার থেকে সকাল ৯.০০মি: শুরু হয়ে চালনাগাঁও এলাকার বিভিন্ন পথে প্রদক্ষিণ শেষে পুনরায় টিভিইটি সেন্টারে এসে শেষ হয়। অনুষ্ঠানে প্রতিযোগিতা মূলকভাবে কবিতা আবৃত্তি, কৌতুক, গান ও নৃত্যানুষ্ঠান অনুষ্ঠিত হয়। প্রতিযোগিতা শেষে বিজয়ীদের মধ্যে পুরস্কার বিতরণ করা হয়। অনুষ্ঠানে প্রধান অতিথি ছিলেন উদ্বৃত্ত



টিভেটের প্রধান এবং উদ্দীপনের সহকারী পরিচালক ড. এস এম শহীদুল্লাহ। সভায় উদ্দীপন আঞ্চলিক অফিসের প্রোগ্রাম অফিসার করিব উদ্দিন চৌধুরী, উদ্দীপন টিভেট সেন্টারের অধ্যক্ষ আজাহার আলী সরকার সহ সকল ইন্ট্রাকটরগণ উপস্থিত ছিলেন।

মূল্যায়ন পরীক্ষা ৪ গত ২৬-২৮ ডিসেম্বর পাঁচ টি ট্রেডের মধ্যে ইলেক্ট্রিক্যাল, ইলেক্ট্রনিক্স, ওয়েল্ডিং এবং ফেব্রিকেশন ট্রেডে জুলাই-ডিসেম্বর '২০১৭কোর্সে ৬ষ্ঠ ব্যাচে শিক্ষার্থী ভর্তি করা হয়। ইভাস্ট্রিয়াল এবং গার্মেন্টস এবং লেদার ট্রেডে ৬ষ্ঠ ব্যাচে ভর্তি প্রচারণা চালানো হয়। অক্টোবর ২০১৭-মার্চ ২০১৮ এ ইভাস্ট্রিয়াল স্যুইং গার্মেন্টস এবং লেদার ট্রেডে ৭ম ব্যাচে ভর্তি প্রচারণা চালানো হয়।



চুড়ান্ত মূল্যায়ন পরীক্ষা এবং ইভাস্ট্রিয়াল স্যুইং গার্মেন্টস ও ইভাস্ট্রিয়াল স্যুইং লেদার ট্রেড দুইটির ত্রৈমাসিক মূল্যায়ন পরীক্ষা অনুষ্ঠিত হয়েছে। উক্ত পরীক্ষায় শিক্ষার্থীদের লিখিত পরীক্ষা, মৌখিক পরীক্ষা এবং ব্যবহারিক পরীক্ষার মাধ্যমে মূল্যায়ন করা হয়।

এবং শিক্ষার্থী ভর্তি করা হয়। তাদের উভয় ট্রেডে ২০ জন করে শিক্ষার্থী ভর্তি হয়ে বর্তমানে চলমান অবস্থায় আছে। আবার জানুয়ারী-জুন '১৮এর জন্য ইলেক্ট্রিক্যাল, ইলেক্ট্রনিক্স এবং ওয়েল্ডিং এবং ফেব্রিকেশন তিনটি ট্রেডে ৭ম ব্যাচে ভর্তি প্রচারণা চালানো হয়। ৩১ ডিসেম্বর ২০১৭ ইং এ ছাই-ছাণ্ডির ভর্তি পরীক্ষা নেওয়া হয়।

ভিলেজ এডুকেশন রিসোর্স সেন্টার (ভার্ক)

বুকিপূর্ণ শিশুর মুক্ত সাভার উপজেলা শীর্ষক আলোচনা সভা ও সাংস্কৃতিক অনুষ্ঠান

বুকিপূর্ণ শিশুর নিয়োজিত শিশুর জন্য নিরাপদ কর্ম পরিবেশ তৈরী, কর্ম ঘন্টা করানো, ন্যায্য বেতন, লেখাপড়া ও বিনোদনের সুযোগ তৈরীর জন্য পিতা-মাতা, অভিভাবক এবং প্রতিষ্ঠানের মালিকদের শিশু অধিকার বিষয়ে সচেতনতা তৈরীর মাধ্যমে তাদের মনোভাবের ইতিবাচক

পরিবর্তন এর উদ্দেশ্যকে সামনে রেখে ৮ ডিসেম্বর সাভারে এ অনুষ্ঠানের আয়োজন করা হয়। অনুষ্ঠানে এ বছরের প্রতিপাদ্য বিষয় ছিল-সংকট দুর্যোগ যাই হোক, শিশুর বন্ধ হোক।

উপজেলা শিশু সুরক্ষা মনিটরিং কমিটির সভাপতি রোকেয়া হক এর সভাপতিতে অনুষ্ঠিত সভায় প্রধান অতিথি হিসেবে উপস্থিত ছিলেন সাভার উপজেলা নির্বাহী অফিসার শেখ রাসেল হাসান। বিশেষ অতিথি



হিসেবে উপস্থিত ছিলেন ড. এস.এম. শহিদুল্লাহ, এসিস্ট্যান্ট ডিরেক্টর, লীড ফোকাল পারসন, ইসিএলপি এবং মার্জিয়া আক্তার সেজ্যুলি, সভাপতি, সভার উপজেলা অগ্রগামী শিশু পরিষদ। এরপর সন্ধ্যা ৬ টায় অগ্রগামী শিশু পরিষদের পরিবেশনায় মণ্ডস্ত হয় শিশুশ্রম অধিকার ভিত্তিক একটি নাটক। তারপর পরই সংগীত পরিবেশন করেন বাংলাদেশ উদ্দীচী শিল্পীগোষ্ঠী, সভার শাখার শিল্পীবৃন্দ।

আন্তর্জাতিক স্বাক্ষরতা দিবস ও শিশু সঙ্গাহ উদযাপন

এভিং চাইল্ড লেবার ইন বাংলাদেশ প্রকল্পের পক্ষ থেকে এ বছরের ৮ সেপ্টেম্বর আন্তর্জাতিক স্বাক্ষরতা দিবস এবং ১১ অক্টোবর থেকে ১৪ অক্টোবর আন্তর্জাতিক শিশু অধিকার সঙ্গাহ উদযাপন করা হয়। স্বাক্ষরতা দিবসে স্কুলের শিক্ষার্থী ও সিএলও সদস্যরা সভার উপজেলা

প্রশাসন আয়োজিত র্যালীতে যোগ দেয় এবং র্যালী শেষে আলোচনা সভার আয়োজন করা হয়।

এ বছর শিশু সঙ্গাহ উপলক্ষ্যে ভার্ক পরিচালিত স্কুলের শিশুরা এটি উদযাপন করে। এর ধারাবাহিকতায় ১৪ অক্টোবর গৃহকর্মে নিয়োজিত শিশুদের নিয়ে একটি র্যালীর আয়োজন করা হয়। এই র্যালীতে ১৭৫ জন গৃহকর্মে নিয়োজিত শিশুরা অংশগ্রহণ করে। এরপর শিশুদের অংশগ্রহণে একটি সাংস্কৃতিক অনুষ্ঠানের আয়োজন করা হয়।

কলকারখানা পরিদর্শক ও অগ্রগামী শিশু পরিষদের সাথে সংলাপ

১৮ ডিসেম্বর কলকারখানা পরিদর্শক ও অগ্রগামী শিশু পরিষদের সাথে সংলাপ অনুষ্ঠিত হয়েছে। সংলাপে অগ্রগামী শিশুপরিষদের উপজেলা কমিটির সদস্য ও কলকারখানা পরিদর্শক সাথী সেফ উপস্থিত ছিলেন। কলকারখানাতে কাজ করতে গিয়ে শিশুরা কী ধরনের সমস্যার সম্মুখীন হয় প্রথমেই সে বিষয়গুলো তুলে ধরে



এবং মালিকদের সাথে কাজ করতে গিয়ে সিএলও শিশুরা কী ধরনের চ্যালেঞ্জ এর সম্মুখীন হয়, সেই বিষয়গুলোও তুলে ধরা হয়। এরপর কলকারখানা পরিদর্শক, শিশুশ্রম বন্দের লক্ষ্যে শিশুদের এই প্রচেষ্টাকে স্বাগত জানিয়ে তাদের সর্বাত্মক সহযোগিতা করার আশাস দেন। এছাড়াও তিনি একটি হেল্প লাইন নাম্বার দেন, যেখানে শিশুরা ফোন করে কোন মালিকের বিরুদ্ধে অভিযোগ থাকলে তা জানাতে পারবে। অগ্রগামী শিশু পরিষদের সাথে সংলাপ এর আগে কলকারখানা পরিদর্শক ভাগলপুর এনএফপি স্কুল এবং কয়েকটি ইনফরমাল কারখানা পরিদর্শন করেন।



শ্রমজীবী শিশুদের ভোকেশনাল প্রশিক্ষণ প্রদান

বুঁকিপূর্ণ শ্রমে নিয়োজিত শিশুদেরকে শ্রম থেকে সরিয়ে এনে তাদের পুনর্বাসনের অংশ হিসেবে ভোকেশনাল প্রশিক্ষণের ব্যবস্থা করা হয়েছে। এবছর ৭৫ জন শ্রমজীবী শিশুকে এই প্রশিক্ষণ প্রদান করা হয়েছে। বিউটি পার্লার, গার্মেন্টস সেলাই, ইলেক্ট্রনিক্স মেকানিক ও কম্পিউটার মোট এই চারটি ট্রেডের ওপর ৭৫ জন শিশুকে প্রশিক্ষণ প্রদান করা হয়। প্রশিক্ষণ পেয়ে এদের মধ্যে এখন ৪০ জন শিশু বুঁকিপূর্ণ কাজ থেকে সরে এসে বিভিন্ন গার্মেন্টস ও সেলাই এর কাজ করছে। বাকিরাও কাজের জন্য চেষ্টা করছে।



উপকরণ বিতরণ

কলকারখানা ও ফ্যাট্টরীতে যেসব শিশুরা কাজ করে তাদের কোন দুর্ঘটনা বা প্রাথমিকভাবে চিকিৎসার প্রয়োজনে এবছর ৫টি অপ্রাতিষ্ঠানিক ফ্যাট্টরীতে (বেকারী, রিঞ্জার গ্যরেজ, ভাঙ্গারীর দোকান, সু-ফ্যাট্টরী) ৫ টি ফাস্ট এইড বক্স বিতরণ করা হয়েছে। কাজ করতে গিয়ে দুর্ঘটনাবশত কেউ আহত হলে, হাত পা কেটে গেলে বা পুড়ে গেলে তাৎক্ষণিকভাবে তাদের সেবা বা চিকিৎসা দেয়ার জন্য এই বক্স বিতরণ করা হয় এবং এগুলো কিভাবে ব্যবহার করবে সেই বিষয়ক প্রাথমিক ধারণাও দেয়া হয়।



অন্যদিকে, ৫০জন শ্রমজীবী শিশুকে কাজ করার সময় দুর্ঘটনা এড়াতে নিরাপত্তা উপকরণ দেয়া হয়েছে। উপকরণগুলোর মধ্যে ছিল-ফেস মাস্ক, হ্যান্ড গ্লাভস্, গ্লাস এবং ওয়েল্ডিং এর কাজে ব্যবহারের জন্য ক্ষীণ।

উপজেলা দায়িত্ববাহকদের সাথে সংলাপ

সাভার উপজেলায় কর্মরত দায়িত্ববাহকদের সাথে এন্ডিং চাইল্ড লেবার ইন বাংলাদেশ প্রকল্পের অগ্রগতি, চ্যালেঞ্জ এবং স্থায়ীত্বশীলতার জন্য করণীয় বিষয়ক সংলাপ অনুষ্ঠিত হয়। ২৪ অক্টোবর ২০১৭ সাভার উপজেলা কনফারেন্স রুমে এই সংলাপ অনুষ্ঠিত হয়। সংলাপে উপজেলা নির্বাহী অফিসার, সমাজসেবা অফিসার, সাংবাদিক, পুলিশ, সুশীল সমাজের প্রতিনিধি, শিশু সুরক্ষা মনিটরিং কমিটির সভাপতি ও সদস্য এবং অগ্রগামী শিশু পরিষদের সদস্যরা উপস্থিত ছিলেন।

সম্পাদকীয় পরিষদ

আবুদুহ সহিদ মাহমুদ, বিএসএএফ
ড. এস এম শহীদুল্লাহ, উদ্দিপন

বাংলাদেশ শিশু অধিকার ফোরাম (বিএসএএফ)

বাড়ি # ৪২/৪৩ (লেভেল # ২), নোড # ২
জনতা কো-অপারেটিভ হাউজিং সোসাইটি, রিং রোড, আদাবর, ঢাকা-১২০৭, বাংলাদেশ
ফোন # (পিএবিএআর) +৮৮-০২-৯১১৬৪৫৩, ফ্যাক্স # +৮৮-০২-৯১১০০১৭
E-mail: bsaf@bdcom.net; info@bsafchild.net Web: www.bsafchild.net

আর্থিক সহযোগিতায়

terre des hommes
stops child exploitation

